

Transkription von Urkunde HBS 1386a

Ort, Datierung: Halberstadt, 1386-09-25

Signatur: Stadtarchiv Halberstadt, L 07

Inhalt: Halberstädter Domkapitel: Konflikt mit dem Rat der Stadt Halberstadt über die
Burgfreiheit und die Rechte des Klerus

We . Albrecht domprouest Albrecht . de Eldere des Capittels . vnde dat Capittel . ghemeyne to dem dome / Johan deken . vnd(e) dat Capittel . ghemeynliken to vnser vrowen to Halb(e)r(stad) . Cord prouest . vnde de Conue(n)t / ghemeynliken to Sente Joh(ann)es vor Halb(e)r(stad) , Hinrik deken . vnde dat Capittel ghemey(n)liken to sente Bonifa=/cio . Themo de eldere des Capittels . vnde dat Capittel ghemey(n)liken to sente paule to Halb(e)r(stad) Beken=/nen openbar mit dessem breue dat we der stücke . vnde article(n) de hir na bescreuen stan vn(de) dar v(m)me / we mit dem Rade vnde den borghern to Halb(e)r(stad) in dedinghen sin . by dem erwerdighen in godde vadere vns(es) / gnedighen heren . Hern Albrechte Byschope to Halb(e)r(stad) de an beýdent syden in den dedinghen vns(es) iowel=/kes rede ghe hort . hed eýndrechtliken vnde ghentzliken ghebleuen sin mit rechte to erscheýdene To . / dem ersten male vmme de vryheýt der borch to Halb(e)r(stad) . dat de vnghehindert vnde vnghehindert bliue vn(de) / wu men dat mit kopene vnde vorkopene holden schulle bynnen der borch So dat vnse domhern vnde / de borghere dar v(m)me nicht mer to twýdracht komen . . Vortmer vmme dannele dat de vt der borch ghe / nomen is . , . Vortmer vmme de entsegghinghe . de van dem Rade an vnser heren den domhern gheschen / is vmme dannele . do se den vt der borch halen wolden . . Vortmer vmme hanse van Dýszem de vt eýne(n) / Closterhoue to sente paule ghenomen is vnde eýn . wertlik gherichte vppe deme Closterhoue to sente paule / gheheghet is also we deme . Rade vorkundigheden dat dat eyn vry hoff were vnde beýden dat se des . . / nicht en deden . . Vortm(er) . vmme de vorkundinghe . de des neghesten daghes dar na also dit des auendes ghe / schen was . de Rad van dem . Radhúse kundighen let . also nach weme de Rad sende keme de nicht van stad / an to on den wolden se halen he were wu he were dar se des macht hedden , . Vortmer vmme de lude / de vp den vryen houen wonen . . Vortmer vmme de tweý hús . des vndercusters vnde des pners to dem / dome dar de dore af ghebroken sin . wes vnse benante here . vns dess(en) vorscreuenen stucken ghemey(n)liken / vnde bysunder(en) vnde den Rad vnde de borghere bynnen den neghesten . ver weken na ghift desses breues / in syner openen vorseghelden breuen erscheýdet mit rechte . dat hebbe(n) we ghevulbordet . vnde louen dat / in guden truwen mit samme(n)derhant . vns(es) heren van Halb(e)r(stad) . dem Rade , vnde den borghern to Halb(e)r(stad) / gantz vnde stede eweliken to holdene ane argheliste vnde inual . Dess(es) to eýner betughinghe hebbe we / one dessen breff ghe gheuen beseghelt mit des Capittels to dem dome to Halb(e)r(stad) groten openbaren / Ingheseghele . des we alle hir to bruken . Na goddes bord dritteýnhundirt iar in deme sesten vnde / Achtentighesten Jare des . dýnsedaghes . na Sente Matheus daghe . des hilghen Apostolen . vnde . / ewangelisten , ,